

Allannguutissatut siunnersuut

uunga

Siunnersuut uunga: Eqqumiitsuliornermik ingerlatsineq pillugu Inatsisartut inatsisaat

Naalakkersuisunit aappassaaneerinninnissamut saqqummiunneqartoq.

§ 23-mut

1. § 23 imatut oqaasertalerneqassaaq:

”§ 23. Inatsisartut inatsisaat 1. januar 2017-imi atuutilerpoq.”

Allannguutissatut siunnersuummut oqaaseqaatit

Nalinginnaasumik oqaaseqaatit

Eqqumiitsuliornermik ingerlatsineq pillugu Inatsisartut inatsisissaattut siunnersuut UKA 2015-imi siullermeerneqarpoq. Aappassaanneerneqarnissaa pingajussaanneerneqarnissaalu UPA 2016-imut kinguartinneqarput. Tamatuma kingunerisaanik atuutilersitsinissaq pillugu aalajangiinissaq pissusissamisoortinneqarsimavoq allanngortinneqassasoq.

Ilanngullugu siunertarinearpoq Eqqumiitsuliornermik ingerlatsineq pillugu Inatsisartut inatsisissaattut siunnersuummut, Kulturikkut sunngiffimmilu ingerlatsineq pillugu Inatsisartut inatsisissaattut siunnersuummut (UPA 2016/116) aamma Timersorneq timigissarnerlu pillugit Inatsisartut inatsisissaattut siunnersuummut (UPA 2016/117) piffissat atuutilerfissat naapertuuttunngortinneqarnissaat.

Allannguutissatut siunnersuut aningaasatigut kinguneqassanngilaq.

Allannguutissatut siunnersuummut aalajangersakkanut ataasiakkaanut oqaaseqaatit

Nr. 1-imut

Allannguutissatut siunnersuutip kinguneraa, Inatsisartut inatsisaanut atuutilerfissap 1. januar 2016-imiit 1. januar 2017-imut kinguartinneqartariaqarnera.